


مختصر عثمانی تاریخ




اثر

محمد عزمی

ابراہیم حقّی

دارالمعلمین رشدیہ و مکتب ملکیت
شاہانہ و اعدادیسی تاریخ عمومی
معلی

مابین ہمایون حباب ملوکانہ مترجم لرنڈن
و مکتب حقوق شاہانہ حقوق سیاسیہ
معلی



اویغنی طبعی



معارف نظارت جلیہ سنک رخصتیلہ طبع اولنمشدر

استانبول

(قرہبت) مطبعہ سی — باب عالی جادہ سندہ

متملی : کتابچی قرہبت

۱۳۱۱

﴿ افادۀ مخصوصه ﴾

عموم مکاتب رشدیہ یہ مخصوص اولہ رق تالیف
ایلدیکمز مختصر اسلام { تاریخنک تارییح عثمانی یہ دائر
اولان قسم ثانسی اقدمجه { مختصر عثمانلی } تاریخی نامیلہ
آریجه طبع ونشر ایدلمشدر . اثر عاجزانہ مزک مظهر
اولدینغی رغبت مشوقانہ یہ مبنی مختصر اسلام تاریخنک
درت دفعہ طبعنہ موفقیت حاصل اولدینغی کبی اشبو
مختصر عثمانلی تاریخنک نسخ موجودہ سی دخی نہایت
بولدینغدن دفعہ ثالثہ اولہ رق طبعنہ مسارعت قلنمشدر
مختصر عثمانلی تاریخنہ تعلق ایدن خریطہ لر تاریخ اسلام
اطلسیلہ قریباً نشر ایریلہ جکدر .

محمد غرمی ابراهیم حقی

مختصر عثمانلی تاریخی

برنجی باب

دولت عثمانیه نك ظهورندن انقره وقعه سنه قدر

(۶۲۶ - ۸۰۴)

{ برنجی فصل }

عثمانلیلرک ظهوری

خلافت عباسیه نك قوتی ازالدینی صرده ترکردن برچوق
قبیله لرك آسیای وسطی وخراسان وایران طرفلرنده یرلشدکلرینی
کورمشدک . بوقبیله لر بیوک بیوک دولتلر یامشیر ایدی . حتی
سلطان محمود غزنوی طرفدن خراسانده یرلشدیریلان وسلطان
مسعود غزنوی زماننده عصیان ایله طغرل بك اداره سننده
بر حکومت تشکیل ایدن سلجوقیلرک حکومتلری چین حدو-
دندن آق دکزه قدر اولان بالجه له ممالکی الده ایتمشدی .

ایشته دولتمزك اصل مؤسسى و عثمانلیلك اسكى جدى * اولان قایى قبیله سیده سلطان محمود غزنوی زماننده سلجوقیلر ابله برابر خراسان طرفلرنده یرلشمش اولان ترکلردن ایدی . قایى خان قبیله سی سائر امثالی * کبی عصیان یولنه کیتمیوب غزنویلره و سلجوقیلره و صوکرده خوارزمشاهلره صادق قالدی . حتی جلال الدین خوارزمشاهک تاتارلره و کورجیلره قارشو ایتدیکی قهرمانجه محاربه لرده اردوسنک بر قسمی قایى خان قبیله - سنک بهادرلردن مرکب * ایدی . جلال الدین شهید اولدقن صوکره اردوسنک هر قسمی بر طرفه طاغلدینی کبی قایى خان قبیله سیده کردستان طرفلرینه کتمش و سوکیلی پادشاهمز اک بیوک جدی و بو قبیله نك رئیسى اولان سلیمان شاه بهر قبا آلب بر مدت ارزنجسان طرفلرنده او طوره رق تاتار پاتردیسی کچدکدن صوکره ینه خراسان طرفه کیتمک اوزره یوله چیقمش ایدی . فقط سلیمان شاه « جعبر » قلعه سی جوارنده فرات نهرینی کچرکن مغروقاً * وفات ایلدیکندن کندیسی اوراده حالا (ترک مزارى) دیه مشهور اولان محله دفن * ایلدی و قبیله سی ایکی قسمه آریلوب بری یوله دوام ایتدی و دیگر قسمی سلیمان شاهک اوغللردن ارطغرل و رومار بکلرک معیتده اوله رق ارضروم طرفلرینه دوندی (سنه ۶۲۶) .

* جد : بیوک دده -- امثال : اورنک ، افران . — مرکب : ترکب ایش ، تشکیل اولشمش . — مغروقاً : بوغبله رق . — دفن ایدمک کوملک

ارطغرل بك قبیله سی ایله ارضروم طرفلارنده طولاشیر ایکن بربریه محاربه ایتمکده اولان ایکی اردویه راست کلش وکندیسی بهادر بر ذات اولدیغندن یکلمکده اولان طرفه یاردم ایده رک غوغایی او طرفه قزاندرمشدی. ارطغرل بك سایه سنده محاربه یی قزنان اردو (روم سلجوقیه سی) پادشاهی سلطان محمد المبرک ک اردوسی اولوب یکیلانلرده (ایران دولت جنکیزیه سی) تاتارلری ایدیلمر . سلطان علاءالدین ارطغرل غازینک شو خدمت و یار . دهنن چوق خشنود اوله رق حضرت غازی به « سکود » واشکیشهر « اووه لری قشلاغنی * و « طومانچ » یایلاغنی * ویردی و روم ایمپراطوری حدودنده یرلشدی . او وقت ارطغرل غازینک یاننده درتیوز جادر خلقی واردیکه ایشته بو بر آووج قهرمانلر دولتمز کبی بیوک بر دولتی میدانه کتیرمه موفق اولدیلمر و دینه و دولته خدمتلییه تاریخک اک شانلی صحیفه . لرنده یر طوتدیلمر .

ارطغرل بك دائما حدودده کی روم بکلریله غوغا ایدردی . ومملکتی دائمی بر اردوگاه * کبی ایدی ارطغرل بك ۶۲۶ سنه سنندن ۶۸۰ سنه سنه قدر قبیله یی اداره ایتدی و ۶۶۵ سنه - سنده سکود قصبه سنده عثمانیه بك نامنده کی اولادی دنیا یه کلدی که بو عثمان بك پدرندن سوکره قبیله سنک رئیس و دولتمزک

قشلاق : قیشک او طور یلان یرلر . — یایلاق : کوچبه لک یازوتی حیوانلریله کتدکلی چابلق یرلر . — اردوگاه : اردو یری .

برنجی پادشاهی اولمش و او شرفلی و عظمتلی نامی دخی یادکار براقه رق کیتمشدر .

عثمانلیرک جدلری هاندکی ترک قبیله سندندرلر ؟ قایی خان قبیله سی زهرلره . اوطورمشلر ونهلر بامشدر ؟ پادشاهمزرک ائک بیوک جدی کیدر ؟ سلیمان شاه زرده و فات ایتدی . ؟ ارطغرل بک کیمه یاردم ایتدی و نصل مکافات کوردی ؟ عثمانلیر اولان زرده اوطور دیلر ؟ عثمان بک نه وقت دنپابه کادی ؟

{ ایلنجی فصل }

عثمان غازی دوری

عثمان غازی ۶۸۰ سنه سنده پدرینک یرینه کچهرک اوطرفلرده بولنان روم بکلریله غوغالر ایتدی و یواش یواش مملکتی بیومکه باشلادی . اینه کول بکی نیقولا عثمانلیره دشمنک ایدیوردی . عثمان غازی نیقولای بکدرک الندن « قره جه حصار » ی الدی . بو فتح اوزرینه قونیه ده کی سلجوق سلطانندن کندیسنه بکک علامتی اولان طاوول و سنجاق کوندرلدی . او وقت عثمانلی امارتی رسماً حدودده بر بکک اولدی .

عثمانلی امارتنک قومشولرندن بیله جک تکفوری یعنی بکی عثمان غازینک دوستی اولدیغی حالده صوکره عثمانلی دشمناریله برلک اولمش و غازی بی کندی دوکوننه دعوت ایدرک شهید ایلیمک ایچون فساد قورمشدی . بو فساد « خرمان قیا »

تکفوری اولوب سوکره لری شرف اسلام ایله مشرف اولان
 واولادی دولتمزه چوق خدمتله ایتمش بولنان کورس میخال بک
 عثمان غازی یه بیلدردی . عثمان غازی هر سنه یایلاغنه چیقدیغی
 بعض قیمتلی اشیایی واختیار قادینلری محافظه ایلمک اوزره
 بیله جک حصارینه کوندردی . بودفعه قرق قدر کنج بهادر
 اختیار قادین قیافته صوقیله رق عادت وجهه بیله جکه کوندردی
 ودوکون سببیه قلعه نك آز آدم النده قالدیغی صره ده بوکنجلر
 قلعه نی ضبط ایتدیلر . او آره لق عثمان غازی دخی دوکون یرینی
 باصغله نیه اوغرا دیغنی آکلامیه رق ایتدیکنه پشیمان اولان خان
 تکفور جزاسنی بولدی . تکفورک آله جنی قزکه نیلور فرماتوره
 نامیه مشهوردر اسیر ایدیلوب ایلك دفعه اوله رق قهرمانلغنی
 فعلاً* اثبات ایدن اورضاه غازی یه تزویج ایدلدی (۶۸۸) .
 بیله جکک ضبطی اوزرینه اینه کول قلعه سی وسائر یرلر دها
 آلهرق دولتمز برآز بیودی .

بیله جک فتحندن اوز سنه سوکره یعنی ۶۹۹ تاریخ هجر یسنده
 روم دولت سلجوقیه سنک صوک حکمداری عمرء الدین ایران
 دولت جنکیزیه سی پادشاهی غازاه ضاه ک امریه حکومتدن
 محروم براغیلوب وارث اوله جق اولادی اولماغله یرینه کیمسه ده
 کچمدیکندن بو دولت سلجوقیه منقرض اولدی .

ارضروم وکردستان طرفلری تاتارلرده قالوب سائر یرلرده
 بولنان والی وامیرلر استقلال صاحبی اولدیلر واوروق اناطولیده

روملر النده طربزوره ایمبراطور نفی ممالکی ایله ازمید و بروسه طرفلری واردی و قالان یرلرده بر طاقم ترك بکلکلی حاصل اولمشدی . قره دکز طرفنده قزل احمدلو و اضنریار اوغللری ، سلجوقیه دن غازی یملی ، توقادده قبار اوغللری ، آق دکز کنارنده قره صو ، صارو ضاهه ، آبرین ، منتشا ، تکه و عمیر امارتلری * قونیه طرفنده بیوک قره عانه بکلکی پیدا اولدی و بو وقعه دن آلتمش یتمش سنه سو کره قیصر یه ده بر هانه البرین اوغللری مرعشده زوال قهریه و اطنه ده رضاهه اوغللری ترکملری برر حکومت یاپدی لر . روم دولت سلجوقیه سنک انقراضنده صایدیغمز امارت لک جمله سی استقلال قزان دینی کبی بیله جک و اسکیشهر طرفلرنده اولان عثمانی امارت یه مستقل اولدی و عثمان غازی « قره جه حصار » قصبه سنده ایلك دفعه اوله رق کندی نامه خطبه او قوتدی .

عثمان غازی خیل یجه بیومش اولان مملکتک اداره سنی یولنه قومغه همت ایدوب خاقک دعوالرینی کورمک ایچون قاضی تعیین ایتدی و یک عدالتله اداره ایلدیکندن هر طرفدن بر چوق آدملر و حتی روملر کندی اداره سنه قوشه رق کلدی لر .

بر طرفدن ده عثمان غازی قنوحاتده دوام ایدیوردی . روم ایمبراطوینک بیوک براردوسی « قویون حصار » جوارنده بوزولوب استانبول یقینلرینه قدر بر چوق یرلر آندی و فاتحی

قره علی نك نامنه نسبتله حالا امرالی (امیرعلی) دنیلان ومداد-
 نیه قارشوسنده بولسان «قالی لمنوز» اطهسی ضبط اواندی .
 تاتار خانی روم ایمراطورلغنی حمایه ایتمک ایستیوب گرمیان
 طرفلرینه بر تاتار اردوسی کلدیکندن شهزاده اورخان بك ایله
 مشهور کوسه میخال بك برلکده کیدرک ۷۱۲ سنهسنده بو تاتار
 فرقهسی طاغیتدیلمر .

امرادن غازی عبدالرحمن ایله آقیر قومه حالا «قوجه ایلی»
 دنیلان قطعه بی آلب «ازنیق» شهرینی قوشاتدیلمر و «بروسه»
 شهری دخی بر مدت محاصره اولندقدن صوکره ۷۲۶ سنهسنده
 فتح ایدلی .

عثمان غازی اووقت یتیم یاشنده اولوب خیلی وقتدر حرب
 ایشلرینک ادارهسی اوغلی اورخان غازییه بر اقمشدی . وبرو-
 سه نك فتحی ائناسنده وفات ایدرک مبارکی جسدلری وصیتی
 اوزره بروسهده دفن اولندی .

عثمان غازی عدالتلی ، درایتلی ، حمیتلی وجسور بر پادشاه
 ایدی . ماله اصلا رغبتی یوقدی . حتی وفاتنده بر سوری قویونی
 وبر آز سلاح وبر قاچ بارکیرندن باشقه اسیاسی چیقما، شد .
 عثمان غازی کوچک بر عشیرتی بر دولت فاتحه شکلنه قویهرق
 دولتمزک بیوکلکنک اساسلرینی قوردی وکوزل اخلاقيله عثمانلی
 اسمنی هر کسه سودیره رک قهرمانانی کندیسنه تاریخده شرفلی
 بر عنوان قزاندردی .

عثمان غازی اولان زردی آلدی؟ مکافاه کندیسنه نه ویرلدی؟ بله جک اصل فتح اولندی؟ سلجوق دولتک انقراضده هانکی بکلکله میدانه چیقدی؟ عثمان غازی نامه ایلاک خطبه زرده اوفوندی؟ ایلاک اول بزدن قاضی تعیین ایدن کیمدر؟ عثمان غازی پادشاه اولدندن سوکره نردلری فتح ایتدی؟ اداره سی و اخلاقی نصلدی؟

{ ارضی فصل }

اورخان غازی دوری

اورخان غازی عثمان غازینک کوچک اوغلی اولوب جلو -
سندھ بیوک برادری *عمرو المبره* یا *ما* وزارت مقامنه چیقاردی
اورخان غازیده پدرینک فتوحاتنه دوام ایدرک « ازنکمید »
ویا ازمید شهرینی و او جوارده بولسان سائر بر چوق مهم
قلعه لری الده ایتدی . اسکدار جوارنده « آیدوس » قلعه سی
قوماندانک قزی غازی عبدالرحمنه علاقه ایدرک قلعه یی او
قهرمانه تسلیم ایلدی و عبدالرحمنک زوجه سی اوله رق طوغورینی
فره *عبدالرحمن عثمانلیلرک اک بیوک* بهادرلرندن بر بابا یکت
اولدی .

اورخان غازی پدرینک مرکز حکومتی اولان اسکیشهری
براقوب بروسه یی پایتخت ایتشدی . اناطولیده روملرک اک بیوک
شهری و عادتا ایکنجی پایتختلری اولان ازنیق قلعه سی دخی
بوسفر آندی و روم ایمپراطوری عثمانلیلرک ایلمسنه مانع
اولمق ایچون آلتش بیک عسکرله یوریدی ایسه ده « مالتیه »

مخاربه سنده اورخان غازی یه فنا حالدہ مغلوب اوله رق کری دوندی . مرمره دکزی قیلرنده کی یرلر تکمیل عثمانلی انه کچدی (۷۳۱) .

اورخان غازی بوقتوحاتی ایتدیکی صروده بروسده دولت ایچون برطاقم لازملی قانونلر یاییلیوردی . علاءالدین پاشا رئیس اولق اوزره بیوک شهزاده سلیمان پاشا و علمادن چاندره لی قره ضعیل انندی و کوچک شهزاده مرار علی و سائرلردن بر مجلس طوپلانوب ویرکو مقامنده اوله رق خرستیانلردن انه جق چوجقلر بیودیلهرک واسلام مذهبنده تربیه ایدیلهرک بکیمیری نامیله بر پیاده خاصه عسکری یاپلمسی و سیاهی نامیله سواری عسکری یاییله رق هر سپاهی یه (تیمار) نامیله ایلغه مقابل بر یرک وارداتی ترک ایدلمسی قرارلشدیرلدی و ویرکولره والیسه یه دائرده نظاملر قونلدی . علاءالدین پاشا (۷۳۲) ده وفات ایلدیکندن یرینه بیوک شهزاده سلیمان پاشا صدر اعظم اولدی . بوسروده قره سی بکی عجموره بک اولمش و اوغللری بربر- لریله غوغا چیقاردقلرندن اهلینک راحت قاجوب قره سی لیلر عثمانلی اداره سنی ایستمکه باشلامشلردی . بوسیبله اورایه سلیمان پاشا کوندریلوب قره سی ده ممالک عثمانیه یه الحاق اولندی (۷۳۶) . بوندن سوکره اون سنه قدر غوغا ایدلیوب مملکتک اعمارینه * چالشدی و تکمیل شهرلرده جامعلر مدرسه لر کتبخانه لر

خانلر و حماملر و سائر عالی بنلر یاپلدی که بونلرک مقصداری درت بیک قدر تخمین اولئیور . ۷۴۶ سنه سنده اورخان غازی روم ایمپراطوری قاناکوزمه ک کریمه سنی نکاح ایله الهرق بیوک دوکونلر و شنلکلر ایدلدی .

عثمانلیرک ایلك دفعه اوله رق روم ایلییه کچملری بوندن اون ایکی سنه صکره یعنی ۷۵۸ تاریخنده در . او وقت روم قیصری دولتیزک دشمنی اولان وندیکیلر ایله اتفاق ایتدیکندن اورخان غازی بی کوجندر مشدی . شهزاده سلیمان پاشا قره سی والیسی مباحی ایلبکی واسکیدن بروسه محافظی اولوب دین اسلامی قبول ایدن مشهور اوره نومی بک وامرادن امه بک ایله سوزلشوب «ایدنچق» جوارندن برکیجه سال ایله «کلیولی» یقه سنه کچدیلر . اوراده برعثمانلی اردوسی طوپلانوب برسنه مدت ادرنه طرفلرینه طوغری کیدلدی واستانبولده ینه ایمپراطور خاندانی آره سنده ازیغونسزلق چیقدیغندن ایمپراطوره امداد ایدلدی . ۷۵۹ سنه سنده بر بیوک زلزله اولوب برچوق قلعه لر یقادی . سلیمان پاشا بوندن استفاده ایدرک کلیولی . خیره بولی وتکفور طاعی کبی یرلری آلدی و عثمانلیر روم ایلیده یرلشدیلر . سلیمان پاشا روم ایلیده دولت ملکنی دهها زیاده بیولتمک اوزره ایکن ۷۶۰ سنه سنده آوده آتی بوشانه رق براغاجه چارپوب وفاتی بوکا مانع اولدی . و آز وقت صوکره اورخان غازی دخی اختیار . لقدن و کدرندن ترک حیات ایدرک حکومتی کوچک اوغلی ضرازمه مراد غازی یه قالدی .

اورخان غازى سلطنتك اوتوز بشنجى سنه سنده ویتمش بش
 یاشنده وفات ایلمشدر . عقللى و غیرتلى و مرحمتلى بر پادشاه
 اولوب زماننده دولتمز بر بیوک دولت شكلى آلدی و مملکتك
 هر طرفی معمور اولدی و عادلانه و عاقلانه نظامله امور اداره
 ملكیه و عسکریه یولنه قونلدى .

اورخان غارینك جلوسنده کیم صدراعظم اولدی؟ اولان زردلری فتح ایدلدى؟
 زرهسى پانخت اولدی؟ عسکر ایچون نصل قانونلر یاپلدى؟ قرهسى نه
 صورتله عثمانلى ملاکنه قانلدى؟ صلح زماننده مملکت نصل معمور
 ایدلدى؟ عثمانلیر روم ایلی به نصل یکدیلر و زردسى آدیلر؟ سلیمان
 پاشا و اورخان غازى نه وقت وفات ایتدیلر؟

{ در درنجی فصل }

خداوندکار برنجی سلطان مراد دورى

اورخان غازینك وفاتندن سوکره یرینه چوک اوغلى سلطان
 مراد کچدی . بیوک اوغلى سلیمان پاشانك بولایرده دها اول
 وفات ایلدیکی سویلنمشدی . دها هنوز سلطنته کچوب دولتک
 امورینه باقغه باشلار باشلاماز قره مان اوغلك تحریکله * انقره
 وحوالیسنی ضبط ایتمش اولان اضی طائفه سنك عثمانلیرك علیه
 قالمشسى اوزرینه حضرت پادشاه هان اوزرلرینه یوریه رك
 بردن بره انقره اوکنده ظهور ایتمش و شهرى فتح ایلمشدر .

* تحریک : یرندن اویناتمق .

بوايسه كرك اخيلرى و كرك قره مان اوغللارندن بشقه كيزليجه
اتفاق ايدن كرميان وازمير اوغللرينى دخى شاسيرتمشدى .

حضرت پادشاهك مقصدى روم ايلي پي ضبط ايتمك ايدى .
بناء عليه اناطولى ايشى بيتتجه همان روم ايلي يه كچمش و كليبولى پي
تكرار ضبط ايلمشدر . حاجى ايل بكى ايله اورنوس بك ايلرى يه
طوغرى كوندردى كى كپي پادشاه حضرتلى دخى روملر
راحت طورسونلر ديهرك بالذات استانبول اوزرينه يوريدى .
ادرنه طرفلرى و براز محاصره دن صوكره • ادرنه • شهرى
دخى فتح اولندى . بوندن صوكره اورنوس بك كوملجنه درامه
وسيروز طرفلرينه و روملر ساهين ايتا ده بالقانلره طوغرى
يوللاندى . حضرت پادشاه ادرنهك اعمارينه مشغول اولدى .

بوزمانلرده قاضى عسكر بولنان جاندره لى قره خليل
افندى نهر المير ، ايتا ناميله وزير اعظم اولمشدر كه علاءالدين
وسليمان پاشالردن صوكره ايلك صدر اعظم اولان بوذاتدر ديمك
اولور .

دشمنلر ايديلان محاربه لرده چوق اسير آلنورايدى . سلطان
مراد غزا ايتمك ايجون كلكش اولان قره رستم ك سوزى اوزرينه
اسيرلردن (خمس شرعى) يعنى بشده بر آلمغه باشلامش و بوندن
بر چوق ايراد حاصل اولمغه ايش يولنده كيتمك ايجون آقنچى
فرقه لرينه برر (آقنچى قاضيسى) نصب اولمشدر . قره رستم
افندى دخى خيرالدين پاشانك يرينه (قاضى عسكر) نصب اولند .

سلطان مراد حضرت تلی لالا شاہین پاشا بی بکر بی عنوانیہ * روم ایلیدہ براقہرق ادرنیہ عودت ایتدیکی زمانلر دہ پاپانک * تشویقیہ مجارستان ولہستان قرالریہ صرب واولاح بکری دہا ارقہ دن کلہ جک اولان امدادی بکلمیہ رک ایلری طوغری یوریمشیر و سرب اووہ سندنہ حالا « صرب صندیفی » دنیلان یرہ قدر کلشردی . حاجی ایل بیکی ایسہ اوتوز بیک ککشیک اولان بواردوی اون بیک ککشی ایلہ تارومار * ایتدی .

حضرت پادشاہ بوبیوک مظفرتی تکمیل اسلام حکمدار - لرینہ بیایدردی و ہپسندن قارشولق اولہرق تبریکنامہ لرکلدی . لکن اناطولی بکری و باخصوص قرہمان اوغللری دائما دولتہ فئالق ایتک ایستورلر ایدی و بکر اوروپالیر ایلہ برک ایتمشلر - دی . بوسیدن خداوندکار حضرت تلی عسکر ایلہ اناطولی اچروسنہ یورومکہ باشلادی .

بکر اول قارشی قویق ایستہ دیلر ایسہ دہ طورہ میہ جقلرینی اکلادقلرنہ عفو دیلدیلر و خداوندکار حضرت تلی ناک علمانی سودیکنی بیلکلری اچون برطاقم علمانی اورتہ یہ سور دیلر . حضرت خداوندکار علمایہ و باخصوص کوتاہیہ لی اسمہ فقیہہ رعایۃ بردہا قصورلرینی عفو ایتدی . بوسرہ دہ کر میان اوغانک

• عنوان : نام ، صفت ، — پاپا فتولک دینندنہ اولانلرک بیوکی . —
تارومار : طایفہ طاغی .

قزی بیوک شهزاده بیادیرم بایزیده آلوب جهاز اوله رق کوتاهییه طرفلری دولتمزه کجدی. وحید اوغلی ده النده کی یرلرک چوغنی کوکل خوشلغیه خداوندکار غازییه براقدی .

اناطولیده برچوق یرلر آلمغله برابر دولت روم ایلی جهته زیاده اهمیت ویرمکده ایدی وادرنه پایتخت ایدلمشدی. خیرالدین پاشانک وفاتنده اوغلی علی پاشا صدر اعظم اولدی دشمنار ایسه بوندن استفاده ایتک املنه دوشدیلر. قره مان بکی ینه غوغایه قالقشهرق فنا حالده یوزلدیسه ده ینه قباحتی عفو اولندی. روم ایلی طرفندن ده بلغار قرالی سوسمانه دفعاتله محاربه یه قالقشمش وویردیکی سوزلری طوتماغه باشلامش اولدیغندن نهایت نیکبولی قلعه سیده ضبط ایدیلهرک بلغارستان قطعه سی عثمانلی ولایاتنه قاتلدی (۷۹۰).

بر وقتدر دولتمزله برلک اولان صربلیلر ینه دشمنلق یولنه صاپوب بوسنه وهرسکلیر و محارلر ایله برلشهرک بیوک بر اردو ایله قوصوه اوودسندده طوپلانمشلردی. سلطان مراد غازی دشمنه نسبتله پک جزئی اولان بر اردو ایله قوصوده دشمنی قارشولیوب بیوک بر محاربه اولدی و بیوک شهزاده بایزید هله نیک قهرمانلغیه دشمنلرینی فنا حالده یوزدی ایسه ده محاربه نیک سوکنده اورته لنی طولاشمقده اولان حضرت خداوندکار یاره لی یاتمقده اولان بر صربلی طرفندن شهید ایدلدی و بویله بیوک برغلبه یه بیوک بر آجیده قاتیلهرق سونج ایله کدر بر یره کادی (۷۹۱).

خداوندکار غازی مرحمتی بر پادشاه اولوب زماننده دولتک
نظاملری مکملشدیرلدی و بر چوق یرلر فتح اولندی کجی
عثمانلی ناس اوروپالیره دهشت * ویرمکه باشلادی .

انقر؟ نصل فتح اولندی؟ روم ایلیده نره لری آندی؟ سلطان مراد
کیمی صدر اعظم ایتدی؟ اسپرلر ایچون نه اصول قوندی؟ صرپ
صندیغی نره سیدر واوراده نه اولدی؟ خداوندکار غازی اناطولیده
نه یاپدی؟ بلغارستان نه وقت ونصل آندی؟ قوصوه محاربه سنده نه اولدی.

{ بشجی فصل }

ییلدیرم سلطان بایزید خان دوری

سلطان مراد خداوندکارک بیوک شهزاده سی اولوب محاربه
میداننک بر طرفندن او بر طرفنه ییلدیرم کجی سرعتله یتشدیکی
ایچون ییلدیرم نامیاه مشهور اولان بایزید اوله قوصوه محاربه سی
میداننده بیعت اولندی .

سلطان مرادله محاربه ایدن صرپ قرالی لزار ده قوصوده
اولدیکندن یکی قرال اولان استغافه دولته ویرکویرمکی قبول
ایتدی و قز قرانداشنی سلطان بایزیده ویره رک مصالحه ایلدی .
بوندن صوکره سلطان بایزید اناطولییه کیدوب استانبول
ایمپراطوری یالتوغ ی دخی معیتنده آله رق اولا روملر النده کی
آلاشهری ضبط ایتدی و صوکره ترک بکلکری اوستنه یورویوب

ایدین ومنتشا و صاروخان اوغللری جملةً قورقولرندن قاچد -
 قلرندن انلرک مملکتلرینی وقره مانده آق سراى و نیکده طرفارینی
 آلدی .

سلطان بایزید اناطولیدن روم ایلییه کچهرک اولاح قطعسه
 کیدوب بکرشه قدر یورودی و اولاحیده خراج * باغلاقدن
 صبره استانبولده ایمراطورک یابدردینی قلعه لری ایمراطوره
 ینه کندی ایله یقدیروب تکرار اناطولییه کچدی و کوردیکی
 ایولکی اونوده رق عهدینی بوزمش و کوتاهییه قدر یورومش
 اولان قره مان بکنی بوزهرق بتون مملکتی و قونییه بی لندن آلدی .
 بوسره ده عثمانلیرک شهرتی دنیایی طوتمش اولدیغندن
 اوروپالیرده تلاشه باشلادیلر . مجارلرله آلمانلر و روس شوا -
 لیه لری و سائر خرستیانلر برلشهرک و دینی آلوب نیکبولی اوزرینه
 یورومش لری ایدی . فقط سلطان بایزید هیچ اومولمدق و قتده
 بیوک بر اردو ایله نیکبولی اوزرینه یورویهرک دشمنلری محو
 ایتدی و بو بیوک غلبه اوزرینه هر طرفدن تبریکنامه لر کلوب
 مصرده کی عباسی خلیفه سی متوکل علی الله دخی کندیسنه سلطان
 روم عنواتی تخصیص ایلدی و بویله جه دولتیز مسلمانلر نظرنده
 روم دولت سلجوقیه سنک برینی طوتمش و بیوک طانمش اولدی
 . (۷۹۷)

سلطان بایزید بر طرفدن محکمه لری اصلاح و مملکتی اعمار

* خراج : اسکی زمانده خرستیانلردن آلمان و بر کو .

ایله اوغراشمقده و بر طرفندنده استانبول طرفلرنده سیلوری
جوارینی آلهرق و شهرده اسلامه مخصوص شریعت محکمه‌سی
و محله جامعی آچدیره‌رق و سلانیک شهری ایله موره و یکشهر
طرفلرینی ضبط ایدرک مملکتی توسیع ایتمکده ایدی. ارزنجان
طرفلرینی دخی کردلردن آلدقن صوکره آرتق استانبولی
فتح ایتمکی قورمش و اناطولی حصارینی یاپدیره‌رق شهری محاصره
ایتشدی. فقط بو وقت تیمورلنک غائله‌سی چیقارق ایشلر
یوزی اوستنه قالدی.

تیمورلنک عثمانلی طوپراغنه قدر هریری آلمش و اناطولیده
سلطان بایزیددن قاچان بککری حمایه ایتدیکی کبی تیموردن قاچان
آق قیونلی پادشاهی قره یوسف و بغداد پادشاهی سلطان احمد
به‌ریر ده سلطان بایزیده صیغندقلرندن آرده صغوقلق حاصل
اولمشدی. تیمور اولاً سیواسی آلوب بیقدی و بیوک شهزاده
ارطغرل بک دخی شهید اولدی. تیمور صوکره شام و حلب
اوزرینه کیدوب دونشده ینه عثمانلی طوپراغنه تجاوز ایتدی
و سلطان بایزید ایله انقره اووه‌سنده محاربه ایتدی.

انقره محاربه‌سنده یدی یوز بیک تاتاره قارشو آجق یوز
اللی بیک قدر عثمانلی عسکری اولوب انک بر قسمنده
یولسزلق اولمش ایدی. بوجهته محاربه‌ده تاتارلر غلبه ایدرک سلطان
بایزید اوغلی موسی چلبی ایله برلکده اسیر دوشدی و تیموردن

چوق رعایت کوردیسه ده طیانه میهرق اسارتنک سنه سی اولمدن
کدرندن وفات ایتدی (۸۰۵)

بیلدیرم بایزید خان حضرتلری جسور وقهرمان بر ذات
اولوب اون درت سنه سورن حکوهتی زماننده روم ایلی
واناطولیده دولت ملکنی ایکی مثلندن زیاده بیوتمش ایدی .
فقط وفاتی اوزرینه دولته قاریشقلق کلوب آنجق یکر می سنه
صوکره دولتک اسکی قوتی یرینه کله بیلدی .



بیلدیرم بایزید جلوسنده نه یاپدی واناطولیده نره لری فتح ایتدی ؟
اولاحده نه یاپدی ؟ استانبولده نه یاپدی ؟ قره مان نه وقت آلتدی ؟
نیکبولی محاربه سی کیملره اولدی ؟ سلطان روم عنوانی نصل آلتدی ؟
استانبول نه وقت محاصره ایدلدی ؟ تیمور له صفوقلغک سبجی نه ایدی ؟
تیمور سیواسیده نه یاپدی ؟ انقره محاصره سنده نه اولدی ؟ سلطان بایزید
نه وقت ارحال ایتدی ؟

